

省志輯·陝西

中國地方志集成

民國續修陝西通志稿(二)

中國地方志集成

省志輯·陝西 ⑥

民國續修陝西通志稿(二)

鳳凰出版社●上海書店●巴蜀書社

圖書在版編目(CIP)數據

中國地方志集成. 省志輯. 陝西 / 鳳凰出版社編
— 南京 : 鳳凰出版社, 2011.3
ISBN 978-7-5506-0275-5

I. ①中… II. ①鳳… III. ①中國—地方志②陝西省—地方志 IV. ①K29

中國版本圖書館CIP數據核字(2011)第036129號

中國地方志集成·省志輯·陝西

著 作 者 本社 編選
責任編輯 王 劍 薛 飛
封面設計 范一辛

出版發行 鳳凰出版傳媒集團
鳳凰出版社(原江蘇古籍出版社)
南京市中央路 165 號 郵編 210009
發行部電話 025—83223462
集團網址 鳳凰出版傳媒網 <http://www.ppm.cn>

印 刷 金壇市古籍印刷廠有限公司
江蘇省金壇市晨風路 186 號 郵編 213200
開 本 787×1092 毫米 1/16
印 張 413.5
版 次 2011 年 3 月第 1 版 2011 年 3 月第 1 次印刷
標準書號 ISBN 978-7-5506-0275-5
定 價 4200.00 圓 (全九冊)

(本書凡印裝錯誤可向承印廠調換,電話:0519—82338389)



民國續修陝西通志稿(二)



楊虎城
邵力子
宋伯魯
吳廷錫

纂修

目錄

第一冊

雍正陝西通志(一)

第二冊

雍正陝西通志(二)

第三冊

雍正陝西通志(三)

第四冊

雍正陝西通志(四)

第五冊

民國續修陝西通志稿(一)

第六冊

民國續修陝西通志稿(二)

第七冊

民國續修陝西通志稿(三)

第八冊

民國續修陝西通志稿(四)

第九冊

民國續修陝西通志稿(五)

續修陝西通志稿卷三十五

徵權二

釐金

咸豐八年陝西始百貨釐釐

按時因口逆之亂歷協各路軍餉不下數百萬庫藏空虛無以爲繼巡撫曾望顏詢於鄂撫胡林翼仿湖北捐釐法遴員設局始收釐金初議坐買行商並徵坐釐除北山延榆綏鄜四府州屬免徵外餘皆令地方官權收報解嗣以各處市面蕭條收數無幾復酌量減免僅存鳳岐鄜涇蒲韓六屬照舊徵收每年額納銀四千餘兩 腹地行商置卡自涇陽始迨回亂以後需款浩繁日漸推擴其沿邊交界之釐局東有同州潼關大慶關三河口芝川龍駒寨南有興安白河紫陽漢中略陽寧羌陽平關續陝西通志稿 卷三十五 徵權二 一

西有鳳翔號鎮長武北有寧條梁久之又益以省四關三原石泉沔縣及蜀河漫川關龍王辿宋家川臨渭二華府神農扶郿成醴等局坐釐漸衰行釐漸盛蓋以界連五省地富要衝商旅衆而輪轉多也

同治六年修訂釐章以贏絀論功過

按釐章釐則均由總局擬訂按貨價每兩抽銀四釐五毫嗣改爲每兩抽銀二分計兩道共四分即值百抽四也貨物經過局卡除持有專章免釐執照外無論某處所產所販悉徵之繞越偷漏者罰之至販夫販婦擔負畸零以及糴糶米糧關係民食之物皆無徵完納釐金掣票爲據票制三連式編號鈐印發各局依次填用商販報釐揭載姓名釐貨與其來去處所蓋重鈐記而三分之一留卡局一繳總局一給商販爲憑商抵下卡驗

收前票換給驗票一面即將所收之票與驗票中聯隨同旬報齎繳總局以與下卡原繳之中票核對之驗票後其責任歷若干卡於票但加圖記不復另換俟抵出境時由所在局卡將驗票收繳總局再與第一下卡原繳之中聯核對一以防大頭小尾一以防重複蒙混 抽收貨物分十四類曰服飾估衣皮貨毛貨食用海菜果品乾菜雜貨雜用木料藥材玩器畜物其核計之法則以觔以擔以包以捆以疋以件以挑以架以箱篋以車船各隨物體之宜爲準若貨單未開載者臨時由所在委員酌量核實報明總局備案 釐金考成前法分局卡爲六等各舉近三年最旺之年爲定額而以現年所收若干相與比較半年一覈贏絀按等計成分別撤留滿年則統計一歲之數權其等第而獎罰之後訂辦法密其度縮其限不准以近年最旺之年而準以數年內最旺之月校核則三月爲期懲罰則半年實行視前益加嚴矣

續陝西通志稿

卷三十五

徵權二

二

光緒二十三年改兩地分收歸併首卡一處

按徵收定章一貨二釐本省之貨自此連彼抽發莊卸載各一道運赴他省者不抽卸載止抽出境外來之貨在本省落地銷售者抽入境卸載各一道過往他省者亦止抽出境外不抽卸載然兩地分收各隨貨與局之所值而取其一散漫難稽易於隱漏自改兩道併收凡卸載出境之釐由發莊入境之局卡悉數抽取後即任其所之在本省境內絕不重徵非特省事抑更弊少

宣統元年通省收釐金銀四十六萬八千八百九十四兩除支銷三萬九千四百九十九兩外實報解銀四十二萬二千五百有奇

接通省共設三十一局一百二十六卡 定章各貨止畜物一類收錢餘皆銀計惟各處情形不同收銀者有之收錢易銀者亦有之收銀傾鎔每兩准扣火耗二分收錢易銀者無扣收銀有平餘收錢有個頭例爲委員私入之款因個頭較平餘爲多曾經奏明酌提歸公故有報解個頭名目

光緒二十七年陝撫端方奏前准部咨江蘇等省籌餉已有成數請旨飭下各省一體仿照辦理各就本地情形詳細籌畫比較每年入項究能增收若干比較每年出項究能減支若干迅即指定款項核明確數一律存儲預備提用光緒二十五年十月十三日具奏奉旨依議咨行到陝當即行司籌議茲據署藩司升允會同善後釐稅等局司道詳稱今日籌款之難莫難於下治輿情而上存國體恭摺迭奉諭旨無非嚴剝中飽慎節虛

續陝西通志稿 卷三十五 徵權二

三

糜惟恐搜括民財致妨本計即戶部綜覈度支循名責實亦惟以地方之繁簡不同產物之豐歉互易飭令就地籌畫並不強以所難陝西司庫所入歲有常經近年解款增多比較光緒二十年以前已增至四五十萬加以本年續撥洋款籌解董軍月餉綜計數目不下六十餘萬兩之多是陝省於奉文以前實已歷次遞籌未留餘隙至於年例放交陝西爲估餉省分本係量入爲出從前遵旨裁併局所又復力爲撙節僅數辦公刻下收支各款如戶部所謂侵漁浮濫尙無此種情弊悉心籌畫惟有從前釐金改章之始各局卡酌給津貼每年共支銀一萬三千數百兩在一成項下開支現已一律裁免又光緒初年陝省銀價每兩換制錢一串七八百文客商納釐有銀有錢其完錢者每兩連火耗折合制錢一串七八百文至一串八九百文不

等局員自行易銀報解相安已久遂成定規近來銀價較低商民仍照常交錢局員亦仍舊徵收藉補局用之不足並擬將此項折收個頭錢文每銀一兩提錢二百文歸公每年約可提錢一萬數千串文二共合計每年約可得二萬三四千兩現奉部撥加還洋債銀兩即指此款以資挹注等情請奏前來查關中四塞之區與沿江沿海各省情形迥殊物力有限辦理不無爲難伏讀光緒二十五年九月初五日諭旨各省情形不同宜於東南者或不能宜於西北其可行者自當切實奉行而實有窒礙者亦當剴切敷陳等因欽此是籌款之難易數目之多寡貴因地制宜不能執彼例此久在聖明洞鑒之中若操切從事格外誅求轉不足以副朝廷愛民恤商之至意此次裁提各項津貼係前此所本無個頭亦近年所始有現在辦理不過返向來

續陝西通志稿 卷三十五 徵權一

四

之舊不至辦公竭蹶貽誤事機倘有借詞巧取累及商民者即當從嚴參辦此外如有應增應減之款仍當細心察核隨時奏報以期少佐公家之急而濟時事之艱下戶部知之各局解釐銀均按道里之遠近分別定限一月至四月不等其報有旬報月報年報旬報不逾三日月報不逾五日每歲造銷均飭截至年底將收存各項釐銀並滿年四柱總冊先期齎解來省總局彙一歲出入之全數申撫院具疏造冊達部以待撥用

釐金總局

初設省城二府街曰捐釐總局院委道府數員主之越十年特委臬司爲督辦會同藩司筭理移總局於臬署西偏曰釐稅總局光緒三十四年奏明與善後糧務等局合併曰財政總局內分六所釐稅居其一未幾奉旨財政改隸藩司藩署置公所分

六科治事釐稅自爲一科而以百貨釐土藥稅鹽斤加價三事屬焉委科長一員科員二員

其他各分局地點比額暨宣統元年徵收銀數條列如左

東關局

設於省城東關釣橋坊咸寧轄境有分卡四處滿年比額銀三千二百三十四兩所收貨物以布疋綢緞藥材京雜貨爲大宗次則蘭棉生字水菸又次則牛羊皮山紙木耳生漆梧子花椒蜂蜜桐油各項釐局方開年收以萬計自改併征入口者已由潼慶案各局悉數截取抵關祇查驗而已稅單載洋貨落地抽釐省垣洋貨舊萃此項入欸視他處差勝元年分收銀八千八百二十二兩零列中下等

南關局

續陝西通志稿 卷三十五 徵權二

五一

設於省城南關釣橋無分卡滿年比額銀一千七百九十五兩所收貨物惟鳳鄆整鄂燒酒最多次則油漆火紙皮紙牲畜各項稅率百兩之六七錢至一兩五錢元年分收銀二千一百九十二兩零列中下等

西關局

設於省城西關釣橋長安轄境無分卡滿年比額銀八百二十四兩所收僅本地出產豬羊騾馬雜油掛麪雜木菸錠各項稅率與南關同元年分收銀二千一百兩零列下等

北關局

設於省城北關釣橋無分卡滿年支銷銀五百七十六兩比額銀五百一十三兩所收僅入城零星貨物如雜皮棉花土磁清油紅棗各項鹽鹹鐵炭雖亦入城而炭不徵釐餘由他局截抽

落地不再徵故收數寥寥元年分收銀四百四十七兩零不敷開支列最下等

涇陽局

咸豐八年二月設立於縣城西關外分卡五處一在縣西北四十里石橋鎮一在縣西三十里臨涇河一在縣北七十里治峪鎮一在縣西北隅六十里北屯鎮鎮屬醴泉又一在高陵城內距涇五十里涇多富商大賈殷盛甲於他邑自花門變起各鋪店輾轉遷移大不如前地當要衝所收貨物大宗有甘肅水菸西寧洮岷連來槍狽狼豹狐羊之屬卸載發莊涇爲中途樞紐比額銀五萬三千一百三十三兩元年分收銀四萬八千七百四兩零列上等

三原局

續陝西通志稿 卷三十五 徵權二

六一

三原有南北二城南城商賈輻輳官署在焉釐局在南城門外東北三門設分卡各一北城盡民居東北兩門亦設分卡比額銀四萬三千四百二十五兩涇遭叛回蹂躪涇之布商遂徙居於三原由是地益繁盛所收德安應山棗陽孝誠雲夢各處大布居十之五其次棉花藥材回絨毡布帽各項不過二三成元年分收銀四萬一千一百五十二兩零列上中等

咸陽局

設於咸陽縣城分卡六處所收以油爲大宗每百觔納釐稅二錢四分比額銀一千八百三十四兩元年分收銀四百二十九兩零列下等

臨渭二華局

設於渭南縣西關分卡十三處在赤水高塘西關者屬華州在

嶽鎮者屬華陰在客口雨金樑陽者屬臨潼在孝義上張崇寧

南關者屬渭南無成莊大宗貨物所收祇竹器藥材草帽柿餅
各項比額銀三千二百九十五兩元年分收銀二千六百四十
四兩零列中下等

潼關局

關城傍山瀕河扼東道之咽喉局設東城門內西南北三門各
置分卡委員一員司事二名巡役七名水夫三名銀匠一名滿
年開支銀七百三十五兩六錢添置分卡三處由委員貼支附
關一帶十產無多所收盡運往省城三原及西走甘肅之貨稱
大宗者湖北之布疋孟津之雜貨禹州懷慶之藥材山東周村
之料貨煙台利津海豐之參蝦而本地醬菜行銷亦廣至洋貨
近因鐵軌轉運利便大幫商販紛至沓來然皆持有子口稅單
續陝西通志稿卷三十五徵權二 七

大慶關局

關局僅司查驗不能預徵也比額銀四萬四千三百三十六兩
元年分收銀四萬一千一百五十二兩零列上中等

設於朝邑縣東南里許距黃河渡口約八九里分卡一在朝之
辛村滿年比額銀一萬四千九百五十三兩所收貨物以山西
鐵鹽為大宗次為香礬旱於洋布京貨各項元年分收銀三萬
二千四百七十五兩零列中等

芝川局

設於韓城縣屬芝川鎮距黃河十里距城治二十里分卡六處
一南關一西莊係韓城境一榆林一岔峪一夏陽一百良係邵
陽境所收多麻油藍靛棉綫之屬比額銀三千四百三十六兩
元年分收銀四千一百六十七兩零列中下等

三河口局

設於河口街華陰管轄在縣東北渭洛並流入黃向稱航路要
津逆渭而上秦中所利賴者厥惟潞鹽光緒二十七年因籌賠
款議加價奏明河口設局於是事體大而費用繁以鹽為主而
百貨附之鹽稅另案報解百貨則僅有木植火紙麻黃辣子牲
畜各項比額銀一千三百六十九兩元年分收銀二千八百六
十五兩零列下等

鳳翔局

先在號鎮後以收數遞減挪設於郡城東關添置陳村柳林益
門岐山五渠灣馬家河老爺嶺張家店及郡城四門各卡合之
號鎮共十三處所收有皮毛洋斜布鐵錘水旱黃菸當歸土芪
諸藥材之屬比額銀二萬七千三百三十四兩元年分收銀二
萬七千八百九十兩零列上中等

續陝西通志稿卷三十五徵權二 八

長武局

設於長武縣西關分卡三處一曰亭口屬長武一曰崔木屬麟
遊一曰店子河屬三水地當孔道為陝甘出入門戶土產稀少
所收以蘭州之水於涇州之蜜蠟洮岷之歸芪慶陽之羊皮羊
絨枸杞為大宗比額銀二萬二千九百三十七兩元年分收銀
二萬五千二百三十八兩零列上中等

扶郿局

設於扶風縣城內以土釐兼百貨也分卡七處郿城槐芽齊家
寨三卡專為百貨而設土產酒與藍靛較多餘不成莊外來者
有礬石火紙糖表藥材京廣貨各項比額銀一千一百二十五
兩元年分收銀一千二百六十五兩零列下等土釐另解

右西同鳳鄒乾屬計十五局

興安局

設於郡城紗帽石街分卡有三一在上河街一在下河街一在恆口鎮所收貨物大者有絲茶生漆桐油次則有黨參黃連柴胡厚朴銀封紙竹木料猪鬃各項比額銀一萬二千九百六十六兩元年分收銀一萬三千五百三十四兩零列中等

白河局

白河比額銀六萬七百八十七兩列上等地與鄂鄰漢江由此出境釐局憑江駐紮在城之北羣山夾峙一水中流船舶往來斯為鈐鍵上下游貨物大宗則漢黃德襄各處布疋其次為洋斜竹布為羽毛絨呢為南糖菸酒為贛磁為海菜為洋綫瓣玻璃盆鏡為蠟油火柴蘇木顏料又其次為南紙錫器為蘇杭黔

續陝西通志稿

卷三十五

徵權二

九一

汴之綢緞紗羅為洋廣江閩之雜貨食品大都皆近銷興漢遠及川甘者也局章菸酒糖三項特別劃分所收有銀有錢復有個頭置巡卡二處礮船二隻壯勇十六名元年分收百貨銀及以錢易銀五萬五千六百八十六兩菸酒糖銀二千一百九十一兩兩個頭銀四千九百兩各有奇

蜀河局

局在洵陽縣東蜀河鎮係同治九年所設無分卡比額銀六千七百九兩專抽河路貨物若木耳草繩構穰皮紙之屬元年分收銀六千三百三十三兩零列中下等

任河局

初名紫陽釐卡未幾裁撤後以土販繞越取徑於此委員稽徵名任河土釐局光緒二十二年改定釐章首卡併收兩道乃兼

權百貨焉比額銀一萬四千一百九十七兩列中等局在城南前橫大江任河自南入即川貨所由來也紫境多山石物產之饒為他邑冠而茶尤著名川貨大宗為黃表元年分收銀一萬五千一百三十八兩零土釐另案報解

石泉局

設於石泉縣城內東有分卡曰梅湖距城九十里西有查卡曰饒峯距城六十里城在江北岸雖係水陸通衢第上游之貨歸漢局收下游之貨歸興局收往來巡過止司查驗所收者有桐漆絲竹鹽肉藥料夏布涼蓆各項比額銀二千八百九十一兩元年分收銀二千八百九十九兩零列中下等

漢中局

設於郡城內分卡四一在十八里舖一在城固一在西鄉一在

續陝西通志稿

卷三十五

徵權二

一十一

新集鎮巡卡九處比額銀九千六百三十三兩所收之釐大抵於已完兩道之貨而又重加一道者居多惟南來川貨運往西安各處行銷則與本地土產並照章抽兩道糖加三道重於他局土產有粗藥色紙橘柑各項元年分收百貨銀九千三百二十九兩零個頭銀一千九十兩零列中等

寧羌局

設於州城北關巡卡一在迴水河比額銀五千九百九十一兩局扼川陝陸路要隘與水路陽平關互為犄角所收多人負騾馱之川綢緞藥茶紙傘冬菜各項土產木耳黃花年可得三百包運銷漢中湖北稅則極輕鮮逾值百抽二者元年分收百兩銀五千六百九十一兩零個頭銀七百一十五兩零列中下等

陽平關局

設於關之中街寧羌轄境分卡一在燕子福比額銀七千七百三十四兩列中下等界連隴蜀水陸交通實漢南之門戶所收各貨悉自川來有紅白冰糖表蠟丹粉火柴食物各項元年分收百貨銀六千二百五兩糖釐銀一千四百八兩兩個頭銀六百四十三兩各有奇

署陽局

設於縣城北街東西兩關各紮分卡委員一員司事一名清書二名巡丁十二名銀匠一名水夫一名滿年開支銀七百九十六兩八錢比額銀一萬一千九百七十二兩列中等署境南北皆山城居其中西逼嘉陵江所收貨物以由甘運蜀之水菸爲大宗次則徽縣之酒成縣之菸葉秦階鞏涼之歸草麻羌蒼朮

續陝西通志稿

卷三十五 徵權一

一一一

冬花諸藥土產無特色不成莊元年分收百貨銀一萬三千九百七十一兩兩個頭銀一千七百三十四兩零

沔縣局

設於沔城東關外里許分卡一在菜園渡土產皆尋常物品元年分收各釐銀八百六十七兩兩個頭銀九十二兩零其私入規費有折收制錢每兩提去二百及驗票費各項比額銀一千二百六十二兩列下等

龍駒寨局

局在商州東南距州城一百里分卡有二曰河卡曰東卡地據丹江上游所收入境之貨如鄂布每年不下四百五六十萬疋每疋併抽兩道白布完銀一分五釐六毫十布完銀一分一釐六毫可收銀七萬餘洋斜竹布約有十五六萬疋每板完銀一

錢四分可收二萬餘羽呢絨毛約五六萬疋亦可收萬金之譜而種種雜貨收數尤多庚子以後甲辰以前中間數年比較皆不相上下自汴洛鐵路開車衆商避難就易而寨局之勢分自稅單盛行洋貨免抽內地土物相率詭冒影射藉爲護符而寨局之法壞比額以光緒三十三年爲準尙有十一萬七千四百二十餘兩而宣統元年乃僅收銀七萬八千九百一十兩零雖居上等之列將江河日下矣其陋規如加收平餘出給小條及驗費錢各欸目每年多則八九千金少或六七千金

漫川關局

關在山陽縣南境距城一百四十里地面分水旱碼頭局設水碼頭之水磨街查卡二處紮上街頭者曰上卡紮下街頭者曰下卡漫川之水至關號爲夾河夾河有小舟常爲潞鹽與百貨

續陝西通志稿

卷三十五 徵權二

一一二

往來興安鄖陽之間故關局雖收數無多而扼要堵截所係非淺比額銀八百七十兩元年分收各釐銀七百四十六兩兩個頭銀七錢零等最下

右興漢屬計十二局

龍王辿局

局濱黃河係宜川轄境光緒八年設也歷來委員以地處上游稽查不便移駐韓城之禹王渡而龍王辿遂爲分卡由禹渡而上分卡七處表三百里曰船窩曰石皮韓城境也曰馮家集平頭關馬頭關河北店宜境也滿年比額銀一千二百三十八兩所收貨物以甘草爲大宗甘草出北口外販往河南禹州銷售入陝境先由府神葭局抽一道抵龍王辿再抽出境一道共稅百之一五其餘由西渡東者則有棉靛油麻皮毛之屬由東渡

西者則有估衣生熟鐵貨之屬均照章抽兩道猪羊二畜抽一道元年分收銀二千四十三兩零列下等

靖定局

北邊釐局初僅蒙地寧條梁一處屬靖邊境嗣因安邊堡地面適中可控東西兩路乃移局於堡改稱靖定局而寧條梁與定邊所轄之紅柳溝瓦渣梁蒙地之石渡口大台紅墩集皆設卡分巡正委一員司事八名清書二名巡丁二十七名更夫火夫各一名滿年開支銀一千八百六十八兩四錢又支延安府督辦津貼一千二百兩安邊廳幫辦津貼三百六十兩比額銀四千二百七十九兩列中下等地勢東通燕營西達寧涼富邊境來往之衝為商旅經行之路祇以北運沙漠彌望無垠易於繞越難於防範而狡黠者或由寧夏掛帆東趨包頭僱脚轉運或

續陝西通志稿

卷三十五

徵權二

一三一

由甘涼暗走草地徑赴天津大宗稅物強半偷漏貨多收少職此之由元年分收銀五千三百四十四兩零各貨如布棉銅鐵磁器等類俱收一道惟菸酒糖倍之稅則參差不一大布取百兩之六銅鐵貨取百之十一二菸取二十

宋家川局

坐落吳堡之宋家川鎮緊濱黃河距城十里光緒二十四年設也分下四在延川者曰延水關在吳堡者曰唐家塔辛家溝在綏德者曰西河驛比額銀二千八百二十七兩所收之釐有洋布白布棉綫紙張食物各項附近綏米兩處產小鹽羊皮而鹽出境者甚少皮則執持津關空白聯單向不完釐元年分收銀一千九百四十一兩零列中下等

府神葭局

局在葭州萬戶峪設於光緒二十六年分卡八處巡丁亦八處

距局近者六七十里遠者至三四百里地跨三州縣之廣形隔勢阻故用人多需款鉅正委一員彈壓武官一員巡兵十二名書辦五名差役十二名水夫五名滿年開支銀一千五百兩比額銀三千七百七十一兩列中下等大宗貨物曰蘇油曰甘草蘇油出口外及府谷販者或駝或駝均運至山西磧口落地銷售船運用羊皮脾脫盛之每個盛油九十餘觔大船載一百六七十個約重一萬二三千觔小者半之每百觔抽一道府谷者銀一錢口外者一錢二分取百之三甘草由口外運來多在五九兩月每船裝四五十捆約一萬六七千觔每百觔按一道抽銀六分合之龍王池出境一道取百之一有六其他除糖抽兩道神木官輪免釐外如商輸土磁黃絲於松木枋紅棗蒲紙各

續陝西通志稿

卷三十五

徵權二

一四一

右延榆綏郵局計四局

釐款內所列津貼一項乃光緒二十二年詳請添支各局之款嗣奉部飭就釐金籌畫餉需二十五年與個頭盈餘併案奏明裁提歷經遵辦報部宣統元年共收津貼銀一萬二千二百二十兩個頭銀一萬一千二百七十八兩零

於酒釐金

按光緒二十二年奉部文加抽菸酒釐金一兩一錢五分宣統元年共收津貼銀一萬二千二百二十兩個頭銀一萬一千二百七十八兩零

宣統七年又分派共收八萬六千一百一十二兩五錢五分

稅單洋貨落地捐

准按約章內載凡進口貨物之稅單者自應繳納口岸至內地稅單
買此貨物無稅單之貨一經印銷應稅貨內貨地通商貨物又例完納稅地
報捐云與他項省貨同於一律稅收名目到稅地通商貨物又例完納稅地
自共報收銀五千七百六十六兩六錢五分零但為入海境關稅處所通稅則單又所不
當若按四成地稅以

按釐金為助餉大宗規於江浙陝西即接踵從事自咸豐八年
開辦以來漸推漸廣頭會其欽利較錙銖明察秋毫亦云煩矣
然收數最多之年解款不過四十餘萬視東南富庶區域交通
便物產豐年收至百萬甚或至百數十萬而未足多寡懸殊奚
霄壤霄耶
續陝西通志稿 卷三十五 徵權一 一五

今者稽諸檔冊參以報告雖嫌於不詳不盡而見聞
所得凡全省釐稅之規程局卡之形勢商情之向背物價之低
昂與夫正額若何公費若何陋規若何要皆條分而縷析之究
徵權者或庶幾引為前車也光緒末造度支部派員蒞陝清理
財政所輯財政說明書有整頓釐金之法六條可資借鏡附錄
於後

內地設卡稽徵現為各國所無以取諸行商而言似與關稅為
近以計物估值而言而營業所得亦在其中汎論權收之宗旨
蓋當一面為公入計一面為社會經濟計也茲就陝省釐務情
形擬議整頓辦法六條一挽回利權入境洋貨悉為稅單所奪
土產皮毛多為聯單所連海關收一次有限之稅沿途免各處
多數之釐而且假冒混充空白複用勢必至無貨非單無單非

洋而後已為今之計惟有先請大部將各關發單驗貨訂立妥
章務使界限分明無從淆混一面即於該貨所在之地就約章
所准行與約章所不及者設法稽徵變通辦理稅單之貨直收
落地直收不足則更間接以收於販洋貨之人與賣洋貨之店
聯單之貨直收產地直收為難則更間接以收於賣土貨之人
與起土貨之店人與店隨處有之慮其散而無紀也則近局卡
者由局卡經收近地方官署者由地方官經收局卡官署所不
及者則委寄於以後地方自治之稅區或另舉夫代收之紳商
一意專注在此而復多方變化以泯其痕而妙其用但使有單
無單之貨兩兩衡校不至大相軒輊庶商務暢行而釐課亦可
增加矣一裁併局卡收數務取其大用度期在於廉徒滋煩費
而所入有限不如省繁就簡與民相安無事之為愈陝局若龍

續陝西通志稿 卷三十五 徵權一

一六

王迪以甘草為大宗而上游之府神農皆可並徵署陽特水菸
為比較而下游之陽平關尤為扼要咸醴所抽祇油一宗扶郿
之貨曾完兩道河縣四面皆有局漢口白河為總口若斯之類
或裁或併或歸坐賈或由縣官帶徵統宜詳細體察分別易置
以歸簡捷而免騷擾一明定界域釐金徵之商而取諸塗當以
路程之順逆為衡不以地方之轄境為準各卡委員往往以局
駐某屬即於所屬之內密布巡丁四出搜查遇有包販不問來
歷藉口境地恣意需索索而逐盡飽饒囊不深則指為偷漏邀
功圖賞若或界涉疑似則又兩局相爭此牽彼扯靡所適從或
一貨而完兩次或一釐而分兩截病民之端莫此為甚是在指
定區域分明道里務使有限制有範圍捆載者不至南轅而北
轍巡緝者不得橫吞而飛噬而後蕩蕩平平苦獲陷阱之譏可

免矣一平減稅則稅有以物之性質分者如奢侈消耗品宜重日用必要品宜輕是也有以物之地位分者如獨占品宜重共有品宜輕是也陝釐若於酒糖若川綢緞雜貨皆爲侈費之大宗或僅百取四五或止千取二三而藥材木料等有用之物反或取百之一二十至三四十焉木耳生漆梧子木油牛皮猪毛各項海關貿易冊皆列爲出洋之品究竟陝產若干外洋需用若何價值連費利益若何向皆循例徵收未嘗深考此應統爲詳細體察一一按切時勢斟酌損益以劑於平者也至若積弊所在相沿爲規或通融而少收或隱匿而未報由來已久整頓實難今即和盤托出亦只可從輕擬訂而不能一律照章規復也一查抽直捷查驗之法寬則疏漏嚴則煩擾卡多而層節盤察寬失之嚴更失之卡少而扼要防範一次之嚴實勝數次之

續陝西通志稿

卷三十五

徵權二

一七一

寬隨到即驗隨驗即放由委員直接督辦則局役不得而隱抽收章程某項收銀某項收錢正釐若干折扣加收若干一一揭載於簿置諸局前或將習尙之貨列榜示衆則局役不得而欺此直捷之道也一添員用士局卡不裁阻礙殊多局卡裁而偷漏之弊生故添員添員即所以止偷漏也局卡裁而賄放之弊起故用士用士即所以防賄放也蓋合數人而共理一局較一人而獨理一局所費多寡雖不同而其公私勞逸之間則固顯而易辨也特是爲政在人衆人曰財枵腹難以從公忠信尤宜重祿私入不問上下朦朧無以爲官即無以爲政陋規出矣中飽祛矣由是而之焉厚薪資加公費隨時考察實事求是涓滴歸公何不可致若猶繩以公而忘私之說不爲體恤身家之計畧事補苴敷衍含糊則齊未置本弊隨法滋是說恐爲大局之

罪人矣

又按明季盜賊蜂起就飲無藝丁糧外迭增違餉餉練餉民窮財盡國遂以亡有清獻平大亂定鼎燕京順治二年四月初十日上諭陝西通省地畝錢糧自正月爲始止徵正額凡加派召買薪餉等項悉行蠲免西安府各州縣遭寇焚掠獨慘應聽撫按官察明錢糧應全免者全免應半徵者半徵康熙五十二年上諭滋生人口永不加賦雍正四年上諭丁銀併入地畝乾隆二十七年上諭停止編審遙遙百餘年間普免錢糧八次迨乎咸豐四年一逆倡亂粵西兵單餉絀於是兩江總督怡良請仿照江蘇藩司雷以誠泰州仙女廟抽釐章程推及於沿江各處而釐金以興陝西抽收釐金奏之者勝保議之者戶部巡撫曾望顏迫不得已始創設之其初肇畫得宜所頒命令簡而不

續陝西通志稿

卷三十五

徵權一

一八一

苛擬俟軍務收平即將釐局裁撤故一時成效頗著利於國尙弗害於民奉行既久局卡因之林立弊竇遂因之叢生其大者曰留難曰影射曰搜索此弊之易知者也曰賄放曰詭報曰減讓此弊之難知者也六弊相乘商民交困釐金之法乃蕩然而壞矣當時碩輔名流若胡林翼駱秉章郭嵩燾一謂自漢以前商賈之徵倍於農民今之釐金與漢之算緡唐之除官錢宋之頭子錢異名而同實一謂釐金之制緣始於周官之廩布紵布以杜子春註意推之廩布者當如今之坐釐紵布者當如今之行釐一謂釐金爲數至微但使所委官紳各以實心任事上念國計之艱難下體商情之賠累將平日衙署關防習氣概與刪除事必躬親數歸核實庶不以侵漁虧公帑亦不以瑣碎失人心蓋老成謀國首重中儲無暇究釐金之流弊也扶其弊者爲

同治六年御史王書端奏疏有釐捐定章委員而下有一卡即
有司事有司事即有胥役遇漏稅者查出加倍議討所討之款
以半提取充公以半賞給查出漏稅之人以故市梢港口巡查
胥役捕風捉影名為辦公實則營私等語刑部侍郎潘祖蔭奏
疏有利之所存網羅殆盡茶坊餅肆各有例規暮夜追呼急於
正課等語孫翼謀奏疏有抽釐人員視局卡為名利兼收之地
如蠅逐臭如蟻附羶甚至外省無恥官親本地不肖生監轉相
援引濫充斯選搜括無遺為害匪輕資軍餉者十之二三飽私
饕者十之七八等語陳廷經奏疏有抽釐之局宜於商賈雲集
之地不宜擾及各縣小鎮近聞各省釐局但有抽釐名目實則
抽分抽兩有加無已凡水陸通衢以及鄉村小徑皆高懸奉旨
抽釐旗號行商坐賈於發貨之地抽之於賣貨之地抽之於以

續陝西通志稿

卷三十五

徵權二

一九

貨易錢以錢換銀之時又抽之即降而資本微末鋪戶肩挑背
負生涯行人之攜帶川資女眷之隨身包裹莫不覬覦干涉等
語光緒二十三年山東巡撫李秉衡奏疏有多方訛詐未必能
盈其數恐致商賈裹足怨謫繁興包藏禍心迭起事變等語語
皆切中時弊固不獨陝西一省為然也陝西之釐金在彼時法
雖已壞而弊猶本甚厥後局日合卡日分上日益下日損洋貨
日以增土產日以減邪慝日以盛道德日以衰水深火熱有非
創辦釐局時所及料者於是中外財政專家鑒於釐金積弊甚
深則以為宜裁釐加稅釐不能遽裁稅不能遽加也則
先以為宜改定統捐漢書食貨志曰制度失中姦軌弄權官民
俱竭史記平準書曰安富則長庠序先本結末以禮義防利事
變多故而亦反是然則今日欲救釐金之弊統捐其差勝一籌

乎否則司農仰屋債臺藥業孔之徒且將假革新而售其術
矣於民生何賴於國計何裨哉

土藥稅

本銷正稅

案陝西未辦統稅以前祇有土藥釐金無所謂本銷外銷土藥
釐金始於咸豐十年奉准部咨照旱路土藥稅則每百觔完正
稅庫平銀二十兩專濟京餉又參仿豫省章程每百加收耗銀
三兩內地釐卡祇抽發莊一道出省邊卡再抽出境一道雖無
本銷外銷之名其實發莊即本銷出境即外銷光緒八年奉院
飭凡本省土藥抽發莊出境兩道釐銀四十兩外來土藥抽入
境卸載兩道亦如之是已含統稅之義十六年奉廷寄整頓釐
稅札派委員分赴咸長邠乾醴永臨渭鄂鄜藍岐鳳寶二華商

續陝西通志稿

卷三十五

徵權二

二十一

各州縣加徵土藥每兩加錢二十文給予照票黏帖印花嗣因
各卡所報銀價低昂不一解款短絀由藩司札飭按每兩十二
文折合庫平銀一錢批解三十三年土藥開辦統稅部定章程
陝省應撥三十一萬兩所收不敷函電紛馳迄無成議而本省
所設土藥局卡既有與統稅互相稽核之條復有造冊解款之
責載在部章不能裁撤坐耗開支經司道詳請本省行銷土藥
由本省委員設卡徵收此本銷之名所由來也其稅則較統稅
從輕酌減計觔申算不准有包口名目亦不得以錢折收其經
費照百釐統提一成應給驗單由本省刊發以示限制而昭劃

局卡地址

案局卡有專收代收之異專收本銷者曰咸長曰興平曰扶郿

宣統元年收數暨經費支銷

五錢八分

續陝西通志稿
卷三十五
藝文一

—
—
—

行店各捐

續陝西通志稿
卷三十五 徵權

三

11

土並聲明此項捐款專爲祭賣禁吸起見與牙帖燈捐兩不相混宣統元年共收憑牌照捐銀三千一百六十八兩四錢五分一釐

案小票部章所無以行旅中有吸食者禁煙公所遂擬定小票式樣分發各屬轉發客棧編立號簿認真稽查每行旅員煙一錢繳票錢十文由州縣收解撥作戒煙經費

奏摺
收錄
過核
缺撫
代忠
呈部

三	卡	千	至	自
十	局	八	三	光
三	費	百	十	緒
年	銀	一	四	三
滿	二	十	年	十
年	萬	二	十	二
共	一	兩	二	年
支	千	五	月	七
月	十	兩	底	月
局	四	錢	止	開
費	百	錢	共	兩
火	一	計	兩	兩
耗	十	錢	收	數
等	三	稅	本	日
四	兩	錢	三	起
項	分	七	十	先
銀	八	毫	稅	後
二	錢	一	銀	由
萬	內	本	五	查
止	分	十	四	上
六	除	萬	月	稅
千	五	坐	一	總
局	總	實	開	上
九	稅	銀	千	局
百	八	銀	四	局
並	兩	一	百	解
四	支	萬	六	計
十	八	二	一	計
十	局	一	六	計
九	局	一	六	計

案光緒十六年奉旨飭令各省整頓土藥稅或於出產之處就地徵收或於販運過境嚴查走漏經釐稅總局詳請撫院覆奏內稱販運一項業經隨時嚴查匿報私收尙無其事惟販運之釐早已抽收就地之稅初未議及自應酌量加抽以寓崇本抑末之意恭繹諭旨所謂就地抽收者似係指出產之處而言但收穫以後散漫難稽不若按畝徵收似較核實其徵收科則查陝省正賦每畝徵銀不過數分擬請凡種烟地畝除正賦差徭照舊完納外川原平地每畝加收銀一錢坡地六分得旨允行三十三年土藥開辦統稅定章向徵畝稅概行停止以昭劃一

一四

乃停辦未久旋准度支部咨議覆御史吳奏通籌禁煙一摺畧稱各省禁種罌粟議准十年遞減非按畝履勘不能得其確數請將前統稅局章停徵畝稅一條刪去得旨亦允行於是陝撫曹鴻勳會商前釐稅局派員履畝清查酌量加重徵收凡向章平地每畝抽一錢者加三倍抽四錢坡地抽六分者加三倍抽二錢四分以宣統元年計之共收銀十三萬四千九百六十兩六錢八分一釐

種別	發考	禁因	門數	綏綏
各官	章察	煙炊	料費	元餘
委紳	程召	以此	撫大	年恩
編調	卽先	來道	將端	二壽
院臨	將以	均食	軍禁	月奏
貢士	省食	已陳	都級	二禁
鄉民	城補	恢西	就禁	十煙
奉成	腐煙	照各	等補	四餅
富煙	有苗	定屬	各及	日法
將爲	之爲	章自	唐罵	計差
逐州	然腐	一光	霍災	奉壽
謝處	煙然	諸語	成抵	上抵
情近	局並	道三	將補	金土
形委	道由	罰十	如三	禁藥
於此	章然	叙二	何事	煙稅
上道	改煙	才年	辦相	一情
年督	爲大	於八	法爲	事形
八飭	然臣	卅月	自長	乃摺
十員	鄉民	銀月	行兼	全日
六於	調政	到奉	切合	日籍
日然	驗部	任益	實京	日奴
附股	公先	接行	價外	強才
片禁	所後	委通	委各	實於
	分節	心飭	等節	政官